



**Loca Infesta,|| Hoc est:|| De Infestis,|| Ob Molestantes||
Daemoniorvm Et Defvncto-||rvm Hominvm Spiritvs,
Locis,|| Liber Vnvs.||**

Thyraeus, Petrus

Coloniae Agrippinae, 1598

VD16 T 1247

Cap. XVI. An omnibus locis infestis homines æquales molestias & persecutiones patientur & si inæquales quæ huius causa?

[urn:nbn:de:hbz:466:1-61332](https://nbn-resolving.de/urn:nbn:de:hbz:466:1-61332)

causas tumultibus & infestationibus excitatis vbi cunq; locorum possunt, ijsdem sunt molesti. Quidni persequerentur, quos oderunt? At, Credite mihi. inquietabat B. Antonius, (vt in vita eius testatur Athanasius) odio prosequitur, & perimescit satanas Sanctorum vigilias, orationes, ieunia, voluntariam paupertatem, misericordiam, humilitatem, maximè autem ardenter amorem in Christum Dominum.

C A P . X V I .

*Non aequales omnibus locis, omnes homines à Spiritibus molestias pati, sed quosdam alijs plures
Et maiores, Et in quo inæqualitas
hæc posita sit.*

Dicitur infestari demonstratum est. demonstratum quoque ita infestari. vt infestationes ipsæ atque molestiæ ad homines perueniant. Vtrum verò ad omnes aequaliter pertingant, an quidam præaliis, vel sæpius, vel grauius molestentur, quæritur. Nos vbi, in quo hæc inæqualitas consistere possit, primùm exposuerimus, ad questionem propositam, quod res esse videtur; respondebimus.

Molestiæ igitur hæc, vel modo, quo accidunt, differre possunt: vel malis, quæ afferunt: vel actuū numero & frequentatione. In modo considerandæ sunt variæ molestandi rationes: In malis, damna, quæribus mortalium spirituum opera, accidunt: In numero, multitudo & pluralitas molestiarum.

Diversæ molestandi rationes in his consistunt; vt vel solùm tumultus & strepitus à spiritibus excitentur: vel solùm, sine strepitu, viuentium conspectui ipsi se obijcant: vel primò quidem presentiam suam aliquo strepitu indicent, deinde mox se videntes exhibeant. Rursus, hæc omnia, vel fiant sine oratione & sermone: vel ita, vt etiam loquantur spiritus. Præterea, fiant vel sine ulli viuentium alia, quam quæ his actibus percipitur, molestiæ; vel cum alia aliqua; vt si dormientibus stragula detrahant; ipsos lecto eijciant, candelas extinguant, suppellectilem, qualis cunque illa sit, evertant, &c.

Mala, quæ afferre possunt, præcipue cernuntur in duobus bonorum generibus; corporis & fortunæ. Animæ siquidem bonis,

H 3⁷

nobis

DE LOCIS INFESTIS

nobis inuitis, incommodare Spiritus non possunt. In corporis malis pono verbera, vstitutiones, mutilationes & his similia; in fortunę verò damna, quæcunque in externis bonis accidunt.

5. In numero diximus pluralitatem molestiarum attendi, & actuū quibus molesti sunt, frequentationes. Quocirca illis molestiores Spiritus dicendi sunt; qui ipsorum insultus plures sustinent: contrà illis minus; qui eadem vel semel vel non ita frequenter experiuntur. quamquam accidere possit; ut vix aliqua, quæ accidit molestia, grauior dicenda sit, vel ex modo, quo accidit, vel ex mala, quod affer; quam alioquin multæ, in quibus minus malum afferatur, aut minus molesti sunt Spiritus. Ex diuersæ qualitatem, inæquilitatemque molestiarum metimur. Nunc & qualesne omnes omnibus sint, definiamus.

6. Pro huius definitione haud parum seruit, quam superius (cap. 2.) posuimus distinctionem; quæ loca alia per se infesta diximus, alia propter homines. Etenim in iis, quæ propter homines infesta sunt, res difficultatem vel nullam, vel paruam habet. Certum omnino est, in his certos homines, & plures, & grauiores molestias sustinere. Cùm enim per se hæc loca infesta non sint; sed infestatio homines sequatur, & persequatur; quis dubitasbit, quin illi, quorum causa loca infesta sunt, vel soli molestias sustineant, vel aliis plures grauioresque sustineant?

7. At in per se infestis, vna omnium, quæ iis degunt & versantur, videtur esse ratio & conditio; ut quemadmodum communis est locus, ita communis sit omnium locum inhabitantium, molestia. Neque enim propter homines hæc loca infesta sunt, sed per se. Quocirca fit, ut quicunque & qualescunq; homines loca hæc accedunt, ipsas locorum molestias sustinere debeant.

8. Et ita quidem non malè aliquis iudicauerit. Sed tamen qui exemplorum rationem habere velit, etiam his locis molestiarum inæqualitatem deprehendat, obseruabitq; quosdam præ reliquis minus infestatos: rursus, alios præ aliis grauiores molestias sustinuisse. Prius illud confirmant Spiritus in Idolis latitantes, quorum quosdam statim conticuisse, & responsa negasse legimus; postquam iisdem locis Christiani vel essent conspecti, vel se signo crucis munivissent. Posterior in omni genere Spirituum clarum est. In genere Dæmonum probant spectra; quæ Antonium, Paulum, Hilariolum, aliosque Eremi incolas, præ ceteris afflixerunt: & illud, quod in agro Bingensi à rustici latere discedere voluit. In genere Spirituum

tuum purgandorum anima Paschasi, & cuiusdam alterius (de quibus Thesi 3. capituli primi) qui non quosuis, sed certos aggressi sunt. In genere denique damnatorum hominum, spiritus sociorum Diomedis, de quibus 18. de ciuitate Dei, Cap. 18. B. Augustinus.

Spirituum quoque ingenium, si recte perscrutabimur: & hominum conditiones, si attentius intuebimur, in qualitatib[us] mortalium admirit. Non omnium Spirituum idem est ingenium: nec idem omnibus in infestando propositum est. si hominum qui iam sunt, quos præ ceteris iustius, etiam in ipsis locis spiritus molestare & tentare desiderare possunt. Quod si igitur hinc iudicium aliquod peti potest; & purgandas animas, & animas damnatorum, & malignos spiritus, quosdam præ ceteris molestare, vel certe molestare desiderare, credi potest.

10.

Purgande animæ præ ceteris molestæ erunt duobus hominum generibus, primū Catholicis, tum deinde affinitate vel consanguinitate, vel quavis alia ratione magis coniunctis. Ratio huius ex fine, qui hisce spiritibus propositus est, petitur. Subsidium viuentium illi querunt, à quo igitur sperare hoc possunt; hos præ ceteris tentabunt. At ab infidelibus, & non Catholicis, qui nullas animas purgari credunt, sperant nihil. Sciunt hos viuorum, quæ sunt pro defunctis, suffragia subsannare. Inter Catholicos autem, qui defunctorum spiritus viuorum meritis iuuari credunt, ab ipsis maximè sperabunt, quibuscum magis coniuncti. quocirca & Catholicos pro subsidio tentabunt; & inter Catholicos sibi maximè coniunctos.

11.

De his spiritibus crediderim verum esse, quod vulgo dicitur, rarius Hæreticos, quam Catholicos à spectris infestari: & magis infesta esse spectris Catholicorum, quam Hæreticorum loca. quia, scilicet, ad Hæreticos redire non affectabunt spiritus, qui ipsam vitæ æternæ consequendæ habent.

12.

Animæ damnatorum, quamvis nullib[us] bene, & omnibus male velint; ergo eos tamen infestiori animo sunt, qui pœnarum atque suppliciorum infernalium ipsis sunt authores. Res hæc dubia non eit. At odium sequitur vexandi, persequendi, molestandi libido. Hos igitur præ ceteris persequentur.

13.

In intestatione Daemonum potest habere ratio vel criminum, ob quæ spiritus iuste mortales persequuntur; vel libidinis peruerseque

sæque voluntatis, qua nocere desiderant. Ratione prioris maiores molestias patientur, qui grauioribus pluribusque criminibus sunt implicati: ratione posterioris qui integrioris sunt vitæ.

14. Et quamuis vtriq; grauiores molestias sustineant quandoque: in posteriori tamen genere, illorum scilicet, quos ab sanctioris vita studium Dæmones persequuntur, plura sunt exempla. Omitto celebres illos Eremi incolas, Paulum, Hilarium atq; Antonium, religiosorum & ordinum primos authores, quoruin aliquorum vires sub onere molestiarum propemodum defecisse videri poterant: quanta ab iisdem tortoribus passus VVilhelmus Pietauorum Comes? quanta Macharius Alexandrinus? quanta Guthlacus atq; abbas viri sanctissimi? priorum Eremitarum egregii æmulatores?

15. Nec Eremitis tantum molesti fuerunt hi spiritus, alios eiusdem propositi, quamuis alterius sexus, quoq; infestarunt. Euphrasiam virginem sanctam, de tertio solario aliquando præcipitaverunt: aliquando in puteum detruserunt: aliquando grauissime sauciârunt. S. Catharinam, sanctæ matris Brigitæ filiam nunc è lectulo excusserunt; nunc etiam miserè cæciderunt. Sic sanctissimæ Marinæ fuerūt molesti, partim terribilibus formis quas finxerūt; partim execrandis sibilis; & grauibus, quos in æra sparserunt, dobris: quemadmodum res earum gestæ per insignes Auctores scriptæ, demonstrant. Apud Surium in Tomis, quos de sanctis edidit.

16. Causam verò huius pulchritudinis ostendit Fulbertus in vita S. Aichardi Abbatis Chimesiensis, apud Surium Tom 5. sublimiora studia, inquit, Diabolus subtilioribus infestare non desinit insidias. Carnalibus inimique & huius mundi amatoribus, quos in presentis vita voluptuosâ latitudine ambulantes comperit, quasi parcendo blandiuntur: quia nimurum de his securus ad spiritualia se conuerterit, & his acris instat; more latronum ad predam festinantium: qui dum fugientem innocuam turbam insequantur, quos siurgunt superant, hos transflentes à tergo relinquunt: in eos verò, quos præculis conspicunt eminus fugientes, in eos, inquam studio consequenti, vires totas effundunt, & impetu maiore prosequuntur. Veruntamen si reliquis captis ex omni turba unus evaserit, ex hoc uno inter eos sapius magis sit queuelosa recitatio, quam ex vniuersis capituli exultatio. Ita Fulbertus.

CAP.